



Ad zāmaan yaoolem, neb n na n wa ti b yuumā paoodē, b yaa yalemba, b yeta bōn-naandsā sēn yuud sōmā wā koεga, b yita lɪslaamgā pugē wala peemd sēn yit bōn-tāoodgē wā

Yii a ‘Ali [bn Abu Ṭaalib nengē (Wēnd yard be a yīnga): m sā yēs yāmbā, sēn yi Wēnd Tēn-tuumā nengē (Wēnd puusg la A tɪlgr be a yīnga) bɪ y reege, tɪ ad mam sēn na n vū n yi saasē wā n lu n noom maam n yuud m sēn na n yag n rogl-a, la mam sā n yēs sēn be maam la yāmb suka, bɪ y bāng tɪ zabr yaa belgre, m wuma Wēnd Tēn-tuumā (Wēnd puusg la A tɪlgr be a yīnga) t'a yetē: «Ad zāmaan yaoolem, neb n na n wa ti b yuumā paoodē, b yaa yalemba, b yeta bōn-naandsā sēn yuud sōmā wā koεga, b yita lɪslaamgā pugē wala peemd sēn yit bōn-tāoodgē wā, b lumaongā ka gāndg b kokoyā ye, la yāmb sēn seg-b zīig ning fāa bɪ y ku-ba, ad b kuubā tara keoor dūni yikr raare, ne ned ning sēn ku-ba».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Muumin-rāmbā naabā, a ‘Ali [bn Abu Ṭaalib (Wēnd yard be a yīnga) a yeelame: yāmb sā n wum maam tɪ m yēsdē, tɪ Nabiyāamā (Wēnd puusg la A tɪlgr be a yīnga) n yeele, bɪ y bāng tɪ mam ka bund ye, m ka silemde, m vēnegdame n yeel zāng wala a sēn yeelā. Lak mam sēn na n yi saasē n lu n yaa yol-yol ne maam n yuud m sēn na n yēs yāmb Wēnd Tēn-tuumā (Wēnd puusg la A tɪlgr be a yīnga) tɪ yaool n yaa zīri-beedo, la sā n yaa maam ne yāmb suk yēsgo, bɪ y bāng tɪ zabr yaa belgre, m tōoeme n bule, maa m maan sulem, maa m rat būmb a to m sēn gomdā. La mam wuma Nabiyāamā (Wēnd puusg la A tɪlgr be a yīnga) t'a yetē: Neb n na n wa zāmaan yaoolem, sēn yaa rasāmba, tɪ b yuumā paoodē, tɪ b yama yaa valemse, yaa Alkurāanā la b yeta n wusgd a karengo, b yitame n bas lɪslaangā, n maand n zuugd a todsā, wala peemd sēn yit a tāoodgē wā, b lumaongā ka gāndg b kokolondā ye. Yāmb sēn seg-b zīig ning bɪ y ku-ba, tɪ b kuubā tara keoor dūni yikr raarā.

<https://www.sunnah.global/hadeeth/mos/show/65868>

